

Chuck lori



SEPEDI

Kgato
ya:

2

Puku ya

4



Go bala ka sehlopha ga go hlahlwa

Pele o bala

- Phetlolla matlakala a kanegelo yeo ba tlilego go e bala. Boledisanang ka ga diswantsho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantsho.
- Hlagisa mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagisa tlotlontšu ye mpsha (lebelela lenaneo la tlotlontšu ye mpsha kua bokagareng bja letlakala la mafelolo la khabara.

Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo mongwe le yo mongwe gore a balele karolo ye nngwe ya sengwalwa godimo

Ditherišano

- Botšisa dipotšiso tša tekatlhao loganyo tše di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlha ditherišano ka phapošing. (Kgetha mešongwana ya maleba yeo e swanelago boemo bja barutwana.)

Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tlotlontšu.
- E re barutwana ba ngwale mešongwana ya dihlopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)

E re barutwana ba diragatše diteng tša
sengwalwa ge go kgonega.



Barutwana ba swanetše go dira mešongwana ye e theilwego godimo ga go bala ka dihlopha ka morago ga ge ba badile. E re barutwana ba šome ka dihlopha go ngwala mešongwana ya maleba ya go bala ka dihlopha yeo e lego kua mafelelong a puku. Ba se ke ba ngwala ka pukung ye. Mešongwana ya go ngwalwa e swanetše go ngwalwa ka dipukung tša bona tša go ngwalela.


Chuck lori



Chuck o be a le lori ye nnyane ya matipane ye sorolwana. O be a duma ge nkabe a le yo mogolo.


Ka letšatši le lengwe Chuck o ile a lebelela setimela sa lebelo se setalalerata se feta se le lebelong.

"Ke duma ge nkabe ke le setimela se setalalerata," gwa realo Chuck.




Ka morago a bona pese ye kgolo
ya mmala wa namune.

"Ke duma ge nkabe ke le pese ye
ye kgolo ya mmala wa namune,"
gwa realo Chuck.




Ka moragonyana Chuck o ile a bona sefofane se segolo se sešweu sa go phadima se fofa se le godimo lefaufaung.

"Ke duma ge nkabe ke le sefofane se sešweu sa go phadima," gwa realo Chuck.



Chuck o ile a bonagala a nyamile
ge a bona lori ye kgolo ye
khubedu.

"Mmalo! Ke duma ge nkabe ke
le lori ye kgolo ye khubedu," gwa
realo Chuck.




Mathapama ao, ge Chuck a be
a khuditše a le nokeng, o ile a
bona seketswana sa go taga se
setalamorogo.

"Ke duma ge nkabe ke le
seketswana sa go kganya, se
setalamorogo," gwa realo Chuck.

Ka nakwana, Chuck o ile a bona
sefatanaga sa lebelo sa go kitima
ka lebelo le legolo.

Ke duma ge nkabe ke na le lebelo
kudu go swana le sefatanaga se
sehubedu sa lebelo," gwa realo
Chuck.



Mo go sa letelwago, Chuck a
bona mošemane yo monnyane a
wela ka nokeng.

"Thušang!" Mošemane a goelela.
"Ke mang yo a ka nthušago?"




"E sego nna,"
setimela sa realo.



"Ga ke kgone go ema."

"E sego nna," pese ya realo. "Ke
kgona go ema fela boemapese."



"Re ka se kgone," gwa realo lori le
sefatanaga sa mabelo.


"Re ka se kgone go tsena ka
meetseng."



"E sego nna," sefofane sa realo.
"Ke godimo kudu."

"Nka se kgone," gwa realo
seketswana.

"Phefo e foka ka maatla kudu
gore nka tepoga."



"Gona nka go thuša!" gwa realo
lori ye nnyane ye bogale.

Chuck o kgotholetše matlapa ao
a bego a a rwele gomme a wišetša
matipane ka meetseng gore
mošemane a kgone go namelela.

"Šatee!" mošemanyana a goeleta
ka lethabo.

"Ke phologile!"



Šatee!

"Ke a leboga, lori ye sorolwana,
ye bogale!" Mošemanyana a
realo.

Ga se gore o
swanetše go ba yo
mogolo gore o be
mogale.





Dilori

Dilori tša bomatipane di rwala
merwalo ye boima. Re di šomišetša go
rwala santa le diten. Ge re nyaka go
kgothola santa, di kgotholela santa
moo e nyakegago.





Dinamelwa tša tšhoganetšo

Batho bao ba re thusago ba otlela dinamelwa tša go ikgetha.

Borasetimamollo bao ba lego ka gare ga **ditimamello** ba tima mello.

Ge o babjwa re bitša **ambulanse**.

Ge go na le kotsi ya sefatanaga, re bitša **lori ya go goga difatanaga**.

Re bitša **seketswana sa go hlakodiša** ge re nyaka thušo ka lewatle.

Ge go na le kotsi e šoro, re bitša **helikoptere ya go phološa**.

Ge re bitša maphodisa, ba tla ka **bene ya maphodisa**.








Mešongwana ya go bala ka sehlopha



1

Bolela kanegelo ka mantšu a gago, o botša mogwera wa gago, o šomiša diswantšho tše di latelago.



2

Balela mogwera wa gago dipotšišo o be o di arabe.




- Efa hlogo ya kanegelo.
- Leina la moanegwathwadi ke mang?
- Ngwala dilo tše pedi tšeо Chuck a bego a duma go ba tšona.
- Re tseba ka eng gore Chuck o be a le mogale?



3

Ke ka lebaka la eng dinamelwa tše, di se tša kgona go thuša mošemanyana?

Nka se kgone go thuša ka gobane ...





4

Ngwala mantšu ao a lego ka kholomong ya mathomo. Ka morago, o ngwale mantšu ao a rumago ka go swana le wona mothalong wo mongwe le wo mongwe.

lora	molora	serori	lori
pese	lebese	petse	kese
apea	bea	moapei	tšea
bona	rena	tšona	yola
bala	pala	bela	mala
fofa	befa	lefefa	fola



5

Ka pukung ya gago ya go ngwalela, ngwala mafoko a 4–6 ka ga Chuck lori.

Thala seswantšho go šupetša kanegelo ya gago.
Ngwala hlogo ya go hlaloša seswantšho sa gago.

LELEME LA GAE MPHATO WA 1



Puku ya 4

Hlogo:	Chuck lori
Leleme:	Sepedi
Kgato ya:	Leleme la gae Mphato wa 1 Kgato ya 2 Puku ya 4
Mohuta wa sengwalwa:	Kanegelo
Mantsu a tlwaelo:	bile, nnyane, kgolo, ka lebelo, talamorogo, serolane, šweu, khubedu, talamorogo
Tlotlontšu:	Chuck, lori, setimela, pese, sefofane, traka, seketswana, koloi ya mabelo, bogale, matipane
Medumo:	tr-, -ka, se-, n-, p-, kg-, ngw-
Diteng, marel le mabokgoni:	<ul style="list-style-type: none">▪ Go šomiša diswantšho go anega kanegelo gape.▪ Go bala le go araba dipotšišo tše di theilwego godimo ga kanegelo.▪ Go feleletša mafoko ka go šomiša sebolego.▪ Go šupa mantšu a go ruma ka go swana.▪ Go ngwala mafoko a 4-6 ka ga kanegelo.▪ Go thala seswantšho seo se akaretšago dikgopolole tše kgolo tše kanegelo.▪ Ngwala hlogo ya seswantšho sa gago.

SEPHOLEKE (CAPS) se nyaka gore barutiši ba bee nako ka thoko letšatši ka letšatši go bala ka sehlopha se se itšego sa go hlahlwa.

Go bala ka sehlopha sa go hlahlwa go nyaka gore barutwana bao ba lego maemong a go lekana ka go bala ba bale sengwalwa sa go swana, ka dihlopha ka tlhahlo ya morutiši.

Morutiši o swanetše go beakanya paka ya go bala gore e akaretše mekgwana ya go bala go ya ka go bala ka go bona mantšu le difoneme le ya kweššo yeo barutwana ba tla e hlokago ge ba bala.

Gape mekgwana ye ya go bala e nyaka gore go be "go bolelwa ka sengwalwa" magare ga morutiši le bana gape le magare ga barutwana mo sehlopheng.

Dipuku tše di akaretša 'go bolela ka sengwalwa' tekatlhao loganyo le mešongwana ye mengwe ya go thuša barutiši gore ba kgone go hlahlha go bala ka sehlopha ka diphapošing tše bona.

ISBN 978-1-4315-2493-8



ISBN 978-1-4315-2493-8
**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dipuku tše dingwe tše
Leleme la gae tše Mphato
wa 1. Rakeng ya dipuku:



Segwagwa se ya sekolong

Ke kgona go bala

Ka moka re ya sekolong

**Letšatši la dipapadi
la diphoofolo**



Re rata kgwele ya maoto

Go tšhepha

**Kolo e hwetša mogwera
yo moswa**

Chuck lori



Kgogotshadi ye khubedu

Ann o ya ngakeng

Toro ya Oketšo